



O'ZBEKISTON O'VOZI

• 2015-yil, 21-iyul. Seshanba • 84 (31.987)

Ijtimoiy-siyosiy gazeta

• 1918-yil 21-iyundan chiqa boshlagan

• www.uzbekistonovozi.uz

«БЕТАКРОРИМСАН, ЯГОНАСАН, ОНА ВАТАНИМ – ЎЗБЕКИСТОНИМ!»

САМИМИЙ ҚУТЛОВЛАР

Муборак Рамазон ҳайити муносабати билан Ўзбекистон Республикаси Президенти Ислам Каримов номига хорижий мамлакатлар ва халқаро ташкилотлар раҳбарлари номидан самимий қутловлар келмоқда. Уларда давлатимиз раҳбарига мустақам солиқ, муваффақиятлар, Ўзбекистон халқига тинчлик-хотиржамлик, раънақ ва фаровонлик тилаб, эзгу истаклар билдирилган.

Жумладан:

Икки муқаддас масжид ходими, Саудия Арабистони Подшоҳи **Салмон бин Абдулазиз Ол Сауд**;

Саудия Арабистони Подшоҳлиги Валиаҳди, Вазирлар Маҳкамаси раисининг ўринбосари, ички ишлар вазири **Муҳаммад бин Нойиф бин Абдулазиз Ол Сауд**;

Буюк Британия Бош вазири **Дэвид Кэмерон**;

Қатар Давлати Амири **Шайх Тамим бин Ҳамад Ол Соний**;

Қатар Давлати Амири Вазири **Шайх Абдуллоҳ бин Ҳамад Ол Соний**;

Қатар Давлати Бош вазири, ички ишлар вазири **Шайх Абдуллоҳ бин Носир бин Халифа Ол Соний**;

Жазоир Халқ Демократик Республикаси Президенти **Абдулазиз Бутефлика**;

Фаластин Давлати Президенти, Фаластин озодлик ташкилоти Ижроия қўмитаси раиси **Махмуд Аббос**;

Афғонистон Ислам Республикаси ҳукумати Ижроия кенгаши раиси **Абдулла Абдулла**;

Сингапур Республикаси Бош вазири **Ли Сянь Луи**;

Саудиялик ватандошлар **Сафохон Жалолхон Тўра Марғилоний ва бошқалар**;

Тошкент ва Ўзбекистон метрополити, Ўрта Осиё метрополиси округи раҳбари **Викентий** ўз табрикларини йўлладилар.

Қутловлар келиши давом этмоқда.

Олий Мажлис Қонунчилик палатасидаги ЎзХДП фракциясининг навбатдаги йиғилишида «Жисмоний тарбия ва спорт тўғрисида»ги Ўзбекистон Республикаси Қонунига ўзгартиш ва қўшимчалар киритиш ҳақида»ги қонун лойиҳаси биринчи ўқишда атрофлича муҳокама этилди. Айтиш керакки, мазкур қонун лойиҳаси «Соғлом бола йили» Давлат дастури ижроси доирасида ишлаб чиқилган.

ҚОНУН ЛОЙИҲАСИ ЮЗАСИДАН ФРАКЦИЯ ПОЗИЦИЯСИ



Санжаар ШОТЎЛАГАНОВ оған суратлар.

ЖИСМОНИЙ ТАРБИЯ ВА СПОРТ СОҲАСИГА ДОИР

қонун лойиҳаси муҳокама қилинмоқда. Фракциямиз аъзолари электротат манфаатидан келиб чиқиб, қонун лойиҳасидаги айрим меъёрларни қўллаб-қувватламайди

Ҳозирги пайтда мамлакатимизда жисмоний тарбия ва спорт соҳасидаги муносабатлар «Жисмоний тарбия ва спорт тўғрисида»ги Қонун ҳамда унга мувофиқ қабул қилинган меъёрий-ҳуқуқий ҳужжатлар билан тартибга солинган. Шу асосда мамлакатимизда муҳим ислохотлар амалга оширилмоқда. Бироқ жисмоний тарбия ва спорт соҳасидаги қонун-оли ҳужжатлари инвентаризация қилинганда, қонун даражасида мустақамланиши лозим бўлган бир қатор масалалар аниқланган. Шуларни инобатга олган ҳолда, амалдаги қонунга айрим ўзгартиш ва қўшимчалар киритиш кўзда тутилмоқда.

Абдуғаффор ҚИРФИЗБОВ,
Олий Мажлис Қонунчилик палатаси депутати, ЎзХДП фракцияси аъзоси:

— Қонун лойиҳасида жисмоний тарбия ва спорт соҳасида мутахассислар тайёрлаш тизимини тако-

миллаштириш, спортнинг олимпия турларини янада ривожлантириш, шунингдек, тизимни давлат томонидан тартибга солиш, соҳадаги меъёрий-ҳуқуқий муносабатларга оид масалалар ўз ифодасини топган. Мазкур қонун лойиҳасида қишлоқ жойларидаги спорт мактаблари ва таълим муассасаларини малакали мутахассислар билан таъминлаш ҳамда қишлоқ аҳолисининг спорт билан шугулланиш имкониятларини кенгайтиришга ҳизмат қилаётган меъёрлар кўзда тутилган. Партиямиз электротат манфаатларига тўлиқ мос келади.

Лекин фракциямиз қонун лойиҳасидаги айрим меъёрлар бўйича ўз позициясига эга. Амалдаги қонуннинг бир неча моддаси қонундан чиқариб ташланиши партиямиз дастурий мақсадларига мос эмас, деб ҳисоблаймиз. Фракциямиз фикрича, 16 ёшга тўлмаган болаларга, ногиронларга, етим болаларга, пенсионер-

ларга жисмоний тарбия, спорт ва соғломлаштириш хизматлари бепул кўрсатилиши мақсадга мувофиқ, деб ҳисоблаймиз.

Шунингдек, фракция жисмоний тарбия, спорт ва соғломлаштириш хизматларидан бепул ёки имтиёзли шартларда фойдаланувчи фуқаролар, бошқа тоифаларнинг рўйхати, шунингдек, имтиёзлар кўлами, уларни бериш тартиби, тегишли харажатларни қоплаш манбалари қонун ҳужжатларида аниқ белгиланиши ва молиявий манбалари кўрсатилиши лозимлигини илгари сурмоқда.

Шухрат МАМАДЖОНОВ,
Олий Мажлис Қонунчилик палатаси депутати, ЎзХДП фракцияси аъзоси:

— «Жисмоний тарбия ва спорт тўғрисида»ги Қонундан спортчиларнинг ижтимоий ҳимоялангани билан боғлиқ меъёрни чиқариб ташлаш кўзда тутилмоқда. Фракциямиз қонун лойи-

ҳасида давлат бошқаруви органлари, жисмоний тарбия ва спорт жамоат бирлашмалари, спорт клублари ва марказлари, бошқа ихтисослаштирилган спорт ташкилотлари ва муассасалари спортчиларнинг сиҳат-саломатлиги муҳофаза қилиниши керак, деган фикрда.

Бундан ташқари, спортчиларнинг айрим тоифалари қонун ҳужжатларида белгиланган тартибда имтиёзли пенсия олиш ҳуқуқига эга бўлиши лозимлиги ҳақидаги меъёр қонун лойиҳасида ўз аксини топиши керак, деб уйлаймиз.

Қонун лойиҳаси депутатлар ва мутахассислар иштирокида қизгин муҳокама этилди ҳамда биринчи ўқишда ЎзХДП фракцияси томонидан концептуал жиҳатдан қўллаб-қувватланди.

Лазиза ШЕРОВА,
«Ўзбекистон овози» мухбири.

ЎЗБЕКИСТОН РЕСПУБЛИКАСИ ОЛИЙ МАЖЛИСИ СЕНАТИ КЕНГАШИНИНГ МАЖЛИСИ ТЎҒРИСИДА АХБОРОТ

2015 йил 20 июль кунини Ўзбекистон Республикаси Олий Мажлиси Сенати Кенгашининг мажлиси бўлиб ўтди.

Мажлисини Олий Мажлис Сенатининг Раиси Н.Йўлдошев бошқарди. Кенгаш Ўзбекистон Республикаси Олий Мажлиси Сенатининг учинчи йили мажлисини шу йилнинг 6 август кунини Тошкент шаҳрида қабул қилиш тўғрисида қарор қабул қилди.

Сенатнинг йили мажлиси кун тартибига мамлакат сиёсий ва ижтимоий-иқтисодий ҳаётининг барча соҳаларини изчил ислоҳ қилишга ҳамда либераллаштиришга, Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясини рўйбга чиқаришга, аҳолининг фаровонлигини оширишга ва ижтимоий муҳофаза қилинишини кучайтиришга қаратилган Ўзбекистон Республикасининг бир қатор қонунлари киритилмоқда. «Инвестиция ва пай фондлари тўғрисида»ги, «Жисмоний тарбия ва спорт тўғрисида»ги (янги таҳрири), «Аҳолининг санитария-эпидемиологик осойишталиги тўғрисида»ги, «Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида»ги, Ўзбекистон Республикасининг халқаро шартномасини ратификация қилиш ҳақидаги Ўзбекистон Республикаси қонунлари шулар жумласидандир.

Бўлғуси йили мажлисда сенаторлар конституциявий ваколатларига мувофиқ Ўзбекистон Республикаси Марказий банкнинг 2014 йилдаги фаолияти тўғрисидаги ҳисоботни муҳокама қилдилар.

Олий Мажлис Сенати қўмиталари ва Девонининг учинчи йили мажлисга тайёрларлик кўриш ва уни ўтказишга доир фаолиятини мувофиқлаштириб бориш учун Кенгаш томонидан ишчи гуруҳ тузилди. Кенгаш мажлисида, шунингдек, Ўзбекистон Республикаси Олий Мажлиси Сенатининг 2015 йилга ва келгуси йилларга мўлжалланган Ҳаракат дастурида назарда тутилган тадбирларнинг 2015 йил биринчи ярмидаги ижроси тўғрисидаги масала ҳам муҳокама этилди.

Ушбу масала сенаторлар томонидан ҳар томонлама кўриб чиқилиб, Ҳаракат дастурининг тўлиқ ижро этилишига эришиш, бу соҳадаги ишларнинг самардорлигини ошириш учун зарур бўлган қатор тақлифлар киритилди. Муҳокама якунларига кўра Ўзбекистон Республикаси Олий Мажлиси Сенати Кенгашининг тегишли қарори қабул қилинди.

Сенат Кенгаши ўз ваколатига кирдирган бошқа масалаларни ҳам кўриб чиқди.

Ўзбекистон Республикаси Олий Мажлиси Сенатининг Матбуот хизмати.

САЙЛОВЧИ САВОЛ БЕРАДИ

Махмуда ТЕМИРОВА,
Андижон шаҳридаги 1-оилавий поликлиника ҳамшираси,
ЎзХДП аъзоси:

— Сўнгги пайтда парламент қуни палатасидаги қонун ижодкорлиги жараёнларида сиёсий партиялар фракциялари ўртасида баҳс-мунозаралар кучайиб бораётгани сезилмоқда. Матбуот, телевидение орқали бу ҳақда маълумотлар, ахборотлар берилапти. Шу кунларда муҳокама қилинаётган «Аҳолининг санитария-эпидемиологик осойишталиги тўғрисида»ги қонун лойиҳасига фракциямиз томонидан қандай меъёрлар киритилиши тақлиф қилинди?



Бунёдҷон ЭШОНҚУЛОВ,
Олий Мажлис Қонунчилик палатасидаги ЎзХДП фракцияси аъзоси:

— Ҳақиқатан ҳам, сиёсий партияларнинг фракциялари томонидан қонун лойиҳаларига қатор тақлифлар берилмоқда. Ўз-ўзидан маълумки, янги қонун лойиҳаси бўйича тақлифлар киритилар экан, унда фракциямиз партиямиз Сайловолди дастурида белгиланган вазифаларга алоҳида эътибор қаратади. «Аҳолининг санитария-эпидемиологик осойишталиги тўғрисида»ги қонун лойиҳаси бўйича ҳам электротатимиз манфаатларига ҳизмат қилувчи қатор тақлифларни билдирдик.

Ўзбекистон ХДП қонун лойиҳаси «атрофдагилар учун хавф туғдирувчи

юқумли ва паразитар касалликлар пайдо бўлиши ҳамда тарқалиши хавфи бўлган тақдирда тегишли санитария-гигиена тадбирлар ва эпидемияга қарши тадбирлар ўтказиш тўғрисида қарорлар чиқариш, деган меъёрлар билан тўлдирилиши керак, деб ҳисобламоқда. Бу ўринда Ўзбекистон Республикаси Бош давлат санитария врачининг ваколатлари ҳақида гап кетмоқда. Биз, шунингдек, профилактик эмлашларнинг миллий тақвими тасдиқлаш ҳам Бош давлат санитария врачининг асосий ваколатларидан бири бўлиши керак, деган тақлифни илгари суряймиз.

Маълумки, қонун лойиҳаси мамлакатимизда санитария-эпидемиология масалаларида аҳолининг осойишталиги ва хавфсизлигини таъминлаш соҳасидаги ижтимоий муносабатларни тартибга солиш мақсадида ишлаб чиқилган. Фракциямиз фикрича,

қонун лойиҳасида «Санитария-гигиена тадбирлари ва эпидемияга қарши тадбирлар» деб номланаётган моддани тўлдириш керак. Бу борада қуйидаги тақлифларни билдирдик. Яъни, юридик ва жисмоний шахслар санитария-гигиена тадбирлари ва эпидемияга қарши тадбирлар ўз вақтида ўтказилиши таъминлаш шарт. Бойси, эпидемияга қарши тадбирлар ўз вақтида ўтказилиши фуқаролар соғлиғига хавф туғдирувчи юқумли касалликлар пайдо бўлиши, тарқалишининг олдини олади.

Фракциямиз, шунингдек, қонун лойиҳаси бўйича «Радиоактив моддалар ва бошқа ионлаштирувчи нурланиш манбалари билан ишлашга доир талаблар» деб номланувчи модда киритиш, «Хориждан олиб килинган маҳсулотни етказиб беришга ва реализация қилишга доир талаблар» деб номланаётган моддани тўлдириш хусусида ҳам тақлифлар берган.

Зилола УБАЙДУЛЛАЕВА
ёзиб олди.

ИЖТИМОИЙ ҲИМОЯ

Иш ўринлари ярмаркаси

Тошкент вилояти Қибрай туманидаги Байтқўрғон хизмат кўрсатиш касбхона коллежидан ЎзХДП Қибрай туман кенгаши, туман хотин-қизлар қўмитаси, туман прокуратураси, туман бандликка қўмаклашиш ва аҳолини ижтимоий муҳофаза қилиш маркази, «Маҳалла» хайрия жамоат фонди ҳамда тижорат банклари ҳамкорлигида бўш иш ўринлари ярмаркаси ўтказилди.

Ярмаркада 35 корхона 642 бўш иш ўрни билан иштирок этди. Шу кунини ёшлардан 70 нафарга яқини ишга жойлаштириш учун тумандаги корхона ва ташкилотларга йўллана олди. 82 нафар фуқарога юридик маслаҳатлар берилди.

Гавҳар БЕКЧАНОВА

«Ўзбекистон овози» газетаси сайтида ва навбатдаги сонларида:

ОДАМЛАРНИНГ УМИДИ ВА ИШОНЧИ

сиёсий партияга катта масъулият юклайди



■ Халқ депутатлари Сурхондарё вилоят, туман ва шаҳар Кенгашларидаги ЎзХДП гуруҳлари ўтган 6 ойда сессияга қандай масалаларни олиб чиқди?

МУНОСАБАТ

«БЕТАКРОРИМСАН, ЯГОНАСАН, ОНА ВАТАНИМ — ЎЗБЕКИСТОНИМ!»



Турсунпўлат
НОРБОВЕВ,
Олий Мажлис
Қонунчилик палатаси
депутати, ЎзХДП
фракцияси аъзоси:



Барно САНАҚУЛОВА,
иқтисод фанлари
номзоди, ЎзХДП
Марказий Кенгаши
эксперти:



Ҳасан НОРМУРОДОВ,
«Нуроний» жамғармаси
Самарқанд вилоят бўлими
раҳбари, халқ депутатлари
вилоят Кенгашидаги партия
гурухи аъзоси:

— Истиқлол шодиёналарини ҳар йили бир асосий ғоя, эзгу шиор асосида ўтказиш яхши анъанага айланди. Халқимиз бу йилги байрам тантаналари қандай шиор остида ўтишини интиқлик билан кутадиган бўлиб қолди. Ўтган йиллардаги «Бу муқаддас Ватанда азиздир инсон!», «Буюк ва муқаддасан, мустақил Ватан», «Такдиримсан, бахтимсан, эркин ва обод Ватан», «Қадр-қимматим, таянчим ва ифтихоримсан, мустақил Ўзбекистон!», «Ягонасан, муқаддас Ватаним, севги ва садоқатим сенга бахшида, гўзал Ўзбекистоним!» деган ғоялар ҳар биримизнинг қалбимиздан, юрагимиздан чуқур жой олди.

Истиқлолимизнинг 24 йиллик тўйи муносабати билан ўтадиган тадбирлар эса «БЕТАКРОРИМСАН, ЯГОНАСАН, ОНА ВАТАНИМ — ЎЗБЕКИСТОНИМ!» деган эзгу ғояни ўзида мужассам этади. Тўғриси айтиш керак, бундай шиор ҳар қандай одамнинг руҳини, кайфиятини кўтариб, ҳаётга, яшашга, она Ватанига муҳаббатини оширади.

Мана шундай нурафшон кунларда мустақиллик бизга қандай имкониятлар эшигини очиб берганини яна бир бора чуқур ҳис этасан, киши. Истиқлол биз учун энг аввало, миллий давлатчилигимиз, ўзлгимиз, инсоний ҳақ-ҳуқуқ ва қадр-қимматимизни тиклаш имконини берди. Дарҳақиқат, биз бугун дунёдаги айрим давлатлар мисолида кўраппимиз, мустақиллигини сақлаб қолиш, уни мустаҳкамлаш ўз-ўзидан бўладиган жараён эмас. Чинакам мустақил давлатга айланишимиз, халқимизнинг сабр-қаноати, фидойилиги билан оёққа турганимиз, дунёда ўз ўрнимиз, ўз айтар сўзимизга эга бўлганимиз бизнинг энг катта ютуғимиз эканини ҳаммамиз яхши тушунамиз.

Мана шуларни танасидан ўтказган, ўзига таъсир саввур қилиб кўрган инсон, ўйлайманки, мустақиллик қадрини чуқур ҳис этади.

Давом. Бошланғич 1-бетда.

— Ҳар қандай давлатнинг қудратини кўп жиҳатдан унинг иқтисодий салоҳияти белгилаб беради. Ана шундан келиб чиқиб фикрлайдиган бўлсак, Ўзбекистон ўз вақтида собиқ мустақил тузумнинг маъмурий буйруқбозлик тизимидан, бир-реклама ривожланган ночор иқтисодиётдан, «шок терапияси» каби номаъқул моделлардан бутунлай воз кечиб, машҳур беш тамойилга асосланган ўз тараққиёт йўлини қатъий танлаб олгани ҳал қилувчи аҳамият касб этди.

Бугунги кунда дунёда «Ўзбек модели» сифатида эътироф этилаётган ривожланиш стратегияси барча жаҳонда ўзининг самараларини бермоқда.

Бир пайтлар Ўзбекистон қолоқ аграр, иқтисодиётнинг асосини пахтачилик ва пахта қайта ишлаш корхоналари ташкил этадиган республика эди. Бугунги кунда эса саноати тез суръатлар билан ривожланиб бораётган, замонавий ишлаб чиқариш тармоқларини барпо этиш ҳисобидан иқтисодиётда саноатнинг улуши 25 фоизга етган, экспортдош ва рақобатдош маҳсулотларнинг 60 фоиздан ортиғи юқори технологияларга асосланган соҳаларда ишлаб чиқарилаётган.

«Куч-қудрати ва салоҳияти» юқсалиб бораётган мамлакатга айланди. Бунинг замирида ҳам ривожланишнинг тўғри танланган йўли ётибди.

Қарорда таъкидланганидек, яқин ўтмишда Ўзбекистон қолоқ аграр республика бўлиб, иқтисодиётнинг асосини пахтачилик ва пахта қайта ишлаш корхоналари ташкил этган. Тарихан қисқа даврда мамлакатимиз иқтисодиёти 5,5 баробардан кўпроқ ўсгани, аҳолимизнинг реал даромадлари жон бошига ҳисоблаганда қарийб 9 баробар ошганини алоҳида таъкидлаш керак. Бунга эришиш учун эса ўтган давр мобайнида иқтисодиётимизга 190 миллиард доллар ҳажмидаги инвестициялар, жумладан, 65 миллиард доллардан ортиқ хорижий сармояларни жалб этиш ҳисобидан биз учун муғлақ янги бўлган автомобил-созлик, нефть ва газ кимёси, нефть-газ машинасозлиги, замонавий қурилиш материаллари саноати, темир йўл машинасозлиги, маиший электроника, фармацевтика, юқори технологияларга асосланган озиқ-овқат ва тўқимачилик саноати каби соҳа ва тармоқларга асос солинди.

Бу каби ўзгариш ва ютуқларни бугун ҳар бир Ўзбекистонлик ўзи, оиласи, фарзандлари мисолида кўриб, билиб турибди.

Юқоридаги фактлардан кўриниб турибдики, бу ютуқлар замирида машаққатли меҳнат, уйқусиз тунлар, фидойилик ётибди. Ҳеч биримиз буни асло унутмаслигимиз, мустақиллигини янада мустаҳкамлаш учун тинимсиз ҳаракат қилишимиз лозим.

— Биз, собиқ тузумнинг оғир дамларини бошидан ўтказган кексалар Мустақиллик қадрини ёшларга қараганда теранроқ тушунамиз, десам, хато бўлмаса керак. Президентимиз Қароридаги бир жиҳатга эътибор қаратмоқчиман. Яъни, ижтимоий ҳимоя масаласига.

Мустақилликнинг дастлабки йилларида ўртага ташланган беш тамойилдан бири — «кучли ижтимоий сиёсат» ҳисобланади. Ўтган давр мобайнида аҳолини ижтимоий муҳофаза қилиш борасида амалга оширилган кенг қамровли ишларнинг асосини ана шу тамойил ташкил этади.

Аҳоли, биринчи навбатда, кекса авлод вакиллари, хотин-қизлар, ёшларга доимий эътибор ва ғамхўрлик кўрсатиш, уларнинг ҳуқуқ ва манфаатларини таъминлаш, оила, оналик ва болаликни ҳимоя қилиш учун давлат бюджетидан катта миқдорда маблағлар ажратилмоқда. Айниқса, аҳолини қўллаб-қувватлаш ва ижтимоий соҳани мустаҳкамлашга ажратилган йиллик харажатлар изчил ошириб боришмоқда. Биргина мисол, 2014 йилда ҳам бу рақам давлат бюджети умумий харажатлар

рининг 60 фоиздан ортиғини ташкил этди.

Жорий йилнинг мамлакатимизда «Кексаларни эъзозлаш йили» деб эълон қилиниши замирида ҳам «кучли ижтимоий сиёсат» тамойили ётибди. Бу борадаги Давлат дастури бугунги кунда жадал суръатлар билан ҳаётга татбиқ этилмоқда.

Хусусан, кексаларга ғамхўрлик ва эътибор кучайтирилди, уларнинг ҳаёт даражаси ва сифатини ошириш учун қўлай ташкилий-ҳуқуқий шарт-шароитлар яратилди. Пенсия таъминоти ва ижтимоий қўллаб-қувватлаш тизими такомиллаштирилмоқда. Ёши улуғ инсонларга давлат хизматлари кўрсатишнинг энг қўлай тизими шакллантирилди.

Бу ишлар мамлакатимизда инсон қадрини баланд эканлигини, инсонпарвар жамият бунёд этиш йўлида катта-катта қадамлар ташланаётганини англатади, деб ўйлайман.

Бунинг қадрига етиш, ёшларимизни ана шу руҳда тарбиялаш ҳар биримизнинг фуқаролик бурчимиз ҳисобланади.

«Ўзбекистон овози»
мухбири
Нуралӣ ОРИПОВ
ёзиб олди.

ЎзХДП «ИСТИҚБОЛ» ЁШЛАР ҚАНОТИ

«Ёш сиёсатчилар клуби» — ёшлар минбари

Ёшларнинг ижтимоий-иқтисодий, сиёсий-ҳуқуқий саводхонлигини ошириш, уларда фуқаролик позициясини мустаҳкамлаш бугун ҳар қачонгидан ҳам муҳим аҳамият касб этмоқда.

Айниқса, ЎзХДП дастурий мақсад ва ғояларини ёшлар ўртасида тарғиб қилиш, уларнинг сиёсий фаоллигини ошириш, ёшлар ҳуқуқларини ҳимоя қилиш партиямиз олдида турган асосий вазифалардан бири бўлиб қолмоқда. «Истиқбол» ёшлар қаноти қошидаги «Ёш сиёсатчилар клуби»нинг фаолияти бу борада катта ўрин тутди, десак, тўғри бўлади.

Дарвоқе, ушбу клуб 2009 йилдан бери ташаббускор ёшларни аниқлаб, уларнинг иқтисодий юзга чиқариш йўлида қатор амалий ишларни бажариб келмоқда.

Клуб фаолиятини янада фаоллаштириш ва унга истеъдодли ёшларни жалб қилиш учун қандай амалий ишларни олиб бориш керак?



Фаррух АЛИЕВ олган сурат.

Ўзбекистон ХДП мустақил ҳаётга кириб келаётган ёшларга, уларнинг ижтимоий келиб чиқишидан қатъи назар, касб танлаш, таълим олиш ва ўқув муассасаларини битиргач, албатта биринчи ўринларига эга бўлишлари учун адолатли, тенг ва ижтимоий жиҳатдан мақбул шарт-шароитларни яратишни муҳим деб ҳисоблайди.

Ўзбекистон ХДП
сайловолди дастуридан

Ақмал УМАРАЛИЕВ,

ОЛИЙ МАЖЛИС ҚОНУНЧИЛИК ПАЛАТАСИ ДЕПУТАТИ, ЎзХДП ФРАКЦИЯСИ АЪЗОСИ:

— Давлатимиз томонидан олиб борилаётган ёшларга оид сиёсатнинг устувор йўналишларидан келиб чиққан ҳолда, ЎзХДП «Истиқбол» ёшлар қаноти мамлакатимизда ёшларнинг сиёсий-ҳуқуқий маданияти, ижтимоий онг даражасини юксалтиришга астойдил ҳаракат қилиб келмоқда. Ўйлайманки, «Ёш сиёсатчилар клуби» иқтидорли ёшларни танлаб олиш ва уларнинг ташаббусларини қўллаб-қувватлашда ўз лойиҳалари билан фаол иштирок этади.

«Ёш сиёсатчилар клуби» сафида билимли, дунёқараш кенг ва энг муҳими айтиладиган ўз сўзи бор ёшлар йиғилаётгани қувонарли ҳол. Булар эртага партия сафларида фаол хизмат қилаётган ходимлар, сиёсатчилар, бўлгуси депутатлардир. Демак, уларни тенгдошларига ўрناк қилиб кўрсатиш керак. Бунинг учун оммавий ахборот воситалари энг яхши минбар. Ушбу клубнинг ҳар бир аъзоси томонидан илгари сурилаётган

ташаббус ва таклифлар матбуот саҳифаларида доимий равишда бериб борилиши ёшларни руҳлантиришга хизмат қилади.

Партиямиз дастурий мақсадларини амалга ошириш ва электорат манфаатларини таъминлаш борасида бизга сиёсий онги ва маданияти юқори, қатъий ҳаётий позициясига эга, мамлакатимизда амалга оширилаётган ислохотларга бефарқ бўлмаган ёш сиёсатчилар жуда муҳим.

Улугбек АЛИКУЛОВ,

ТОШКЕНТ ШАҲАР «ЁШ СИЁСАТЧИЛАР КЛУБИ» КООРДИНАТОРИ:

— Етакчиларнинг назарий билимлари ва амалий кўникмаларини мустаҳкамлаш бўйича ўқув машғулотлари ташкил этиш, бу борада аниқ таклифлар ишлаб чиқишимиз зарур. Шундагина клуб аъзолари партия ҳаётига ёшларни кенг-роқ жалб этиш, партиявий тадбирларда уларнинг фаоллигини ошириш, айниқса, партиянинг қўйи ташкилотлари атрофида жамият ҳаётининг барча жаҳалларида фаол ёшларни бirlаштиришга хисса қўша олади.

Умрбек БЕКТЕМИРОВ,

ЎзХДП «ИСТИҚБОЛ» ЁШЛАР ҚАНОТИ ҚОШИДАГИ «ЁШ СИЁСАТЧИЛАР КЛУБИ» КООРДИНАТОРИ:

— Ёшлар ташаббусларини қўллаб-қувватлаш ва амалга оширишга кўмаклашиш, чуқур ўйлайдиган ва керакли таклифларни бера оладиган ёш сиёсатчилар сафини кенгайтириш асосий мақсадимиз. Аввало, клубнинг фаол ёшларини рағбатлантириш, олиб бораётган ишларимизни фотолаҳза кўринишида партия сайтга жойлаштириб бориш, ижтимоий тармоқларда ўз саҳифамизни янада кучайтириш каби муҳим таклифлар устида ишлаяпмиз. Клуб фаолияти самарадорлиги ва таъсир кучини оширишда бу муҳим аҳамият касб этади.

Бобур ЭЛМУРОДОВ,
«Ўзбекистон овози» мухбири.

ПАРЛАМЕНТ НАЗОРАТИ

ОЛИЙ МАЖЛИС ҚОНУНЧИЛИК ПАЛАТАСИ САНОАТ, ҚУРИЛИШ ВА САВДО МАСАЛАЛАРИ ҚЎМИТАСИ «ЭЛЕКТР ЭНЕРГЕТИКАСИ ТЎҒРИСИДА»ГИ ҚОНУН ТАЛАБЛАРИНИНГ ҚАШҚАДАРЁ ВА НАМАНГАН ВИЛОЯТЛАРИДА ИЖРОСИНИ НАЗОРАТ-ТАҲЛИЛ ТАРТИБИДА ЎРГАНДИ. УНИНГ НАТИЖАЛАРИ ҚЎМИТАНИНГ КЕНГАЙТИРИЛГАН ЙИГИЛИШИДА КЎРИБ ЧИҚИЛДИ.

Электр энергетикасига оид қонун ижроси ўрганилди

Аҳад АХМЕДОВ,
Олий Мажлис
Қонунчилик палатасининг
Саноат, қурилиш ва савдо масалалари қўмитаси аъзоси,
ЎзХДП фракцияси аъзоси:



— Аввало, таъкидлаш керакки, мамлакатимизда энергетика соҳасининг ҳуқуқий асослари «Энергиядан оқилона фойдаланиш тўғрисида»ги ҳамда «Электр энергетикаси тўғрисида»ги Қонунлар ҳамда электр энергетикаси соҳасидаги муносабатларни белгилаб берувчи 30 га яқин қонуности ҳужжатлари билан тартибга солиб келинмоқда. «Ўзбекистон Республикаси энергетикасида иқтисодий ислохотларни чуқурлаштириш тўғрисида»ги Ўзбекистон Республикаси Президентининг 2001 йил 22 февралдаги Фармони энергетика соҳасида бозор ислохотларини чуқурлаштириш, энергетика тармоқлари корхоналарини бошқаришни такомиллаштириш ва уларнинг иш самарадорлигини ошириш ҳамда мамлакат энергетика тизимининг барқарор ишлашини таъминлаш, иқтисодиётимиз ва аҳолининг электр энергиясига бўлган эҳтиёжини қондиришда муҳим аҳамият касб этди. Фармонга асосан «Ўзбекэнерго» акциядорлик жамияти ташкил этилиб, унинг асосий вазифаси республика иқтисодиёти ва аҳолисини электр энергияси билан барқарор таъминлаш, республика энергетика тизими иш режимларини бошқариш ва муювофиқлаштириш ҳисобланади.

Бугунги кунда «Ўзбекэнерго» акциядорлик жамияти структурасида 54 та корхона ва 40 та акциядорлик жамияти, 11 та унитар корхона ҳамда 3 та масъулияти чекланган жамият фаолият кўрсатмоқда. Жумладан, 10 та иссиқлик электр станцияси, 6 та гидро электр станцияси, 5 та магистрал электр тармоқлари мавжуд.

«Электр энергетикаси тўғрисида»ги қонун ижросини ўрганиш бўйича тузилган ишчи гуруҳи Қашқадарё ва Наманган вилоятларидаги электр тармоқлари корхоналари фаолияти билан танишди, соҳа мутахассислари билан фикр алмашилди, жойларда ҳали ечимини кутаётган масалалар ҳамда фойдаланилмаган имкониятлар борлиги аниқланди. Масалан, Талимаржон иссиқлик электр станциясида умумий қувватдан фойдаланиш даражаси 95 фоиз бўлгани ҳолда, Муборак иссиқлик электр марказида ушбу кўрсаткич 50 фоизни ташкил этмоқда. Шунингдек, ўрганилган вилоятларда электр энергия таъминотида барқарорликка эришиш, истеъмолчиларнинг тўлов интизомини мустаҳкамлаш, соҳага замонавий ахборот ва коммуникация технологияларини жорий этиш, маалакии ходимлар тайёрлаш ва уларнинг касбий маҳоратини ошириш масалалари долзарб экани кўринди.

Йиғилишда аниқланган камчиликларни бартараф этиш юзасидан тегишли чора-тадбирлар белгилаш, ушбу соҳадаги қонунчиликни янада такомиллаштириш зарурлиги таъкидланди.

Қўмита йиғилишида кун тартибидаги масала юзасидан Қашқадарё ва Наманган вилоятлари ҳокимлари ўринбосарлари ахборот берди.

Муҳокамаларда депутатлар, мутахассислар ҳамда экспертлар мамлакатимизда электр энергетикаси соҳасини янада ривожлантириш бўйича ўз таклиф ва тавсияларини билдиришди. Йиғилиш якунида назорат-таҳлил фаолиятининг натижалари юзасидан қўмитанинг тегишли қарори қабул қилинди.



■ СИЁСІЙ ПАРТИЯНИНГ ЖАМИЯТДАГИ ТАЪСИР КУЧИ, НУФУЗИ АЪЗОЛАРИНИНГ СИЁСІЙ-ҲУҚУҚІЙ МАДАНИЯТИ, ИЖТИМОІЙ-СИЁСІЙ ЖАРАЁНЛАРДАГИ ФАОЛ ИШТИРОКИГА БОҒЛИҚ.



■ ЁЛҒИЗ ҚАРИЯЛАР ВА НОГИРОНЛАРГА КЎРСАТИЛАДИГАН ИЖТИМОІЙ ВА МАИШІЙ ХИЗМАТЛАР РЎЙХАТИНИ КЕНГАЙТИРИШ, КЕКСАЛАРНИНГ МАЪМУНЛИ ҲАЁТ КЕЧИРИШИ ВА ҲОРДИҚ ЧИҚАРИШИНИ СИФАТ ЖИҲАТИДАН ЯНГИ ДАРАЖАГА КЎТАРИШ ЎЗХДП ТАШКИЛОТЛАРИ ВА ГУРУҲЛАРИНИНГ ДИҚКАТ ЭЪТИБОРИДА БЎЛИБ КЕЛМОҚДА.

*) Валюта қийматини белгилаш чоғида Ўзбекистон Республикаси Марказий банки мазкур валюталарни ушбу қийматда сотиш ёки сотиб олиш мажбуриятини олмаган.

ТИББИЁТ

ОНКОЛОГИЯДА ИННОВАЦИОН ТЕХНОЛОГИЯЛАР

касалликларни эрта аниқлаш, беморларни самарали даволашда қўл келмоқда

Соғлиқни сақлаш, тиббий хизматлар самардорлигини ошириш, ташхис қўйиш, даволаш ишларини яхшилаш ва самарали усуллари амалиётга татбиқ этишда инновацион технологияларни яратиш муҳим ўрин тутди.

Айтиш керакки, инновацион технологияларни амалиётга татбиқ этишда Республика онкология илмий маркази етакчи тиббиёт муассасалардан бири ҳисобланади. Ушбу муассасада онкологик касалликларни ўз вақтида аниқлаш ва ташхис қўйиш, даволашнинг энг янги ва самарали усулларида фойдаланишга алоҳида эътибор қаратилмоқда.

Соҳада янгиликлар яратиш ва инновацияларни амалиётга татбиқ этишда 2003 йилда илмий марказ қошида ташкил этилган «Ёш онкологлар» жамияти муҳим ўрин тутишини алоҳида қайд этиш лозим. Утган давр мобайнида бу жамият онкология соҳасида қатор илмий янгиликлар яратиш, малакали мутахассислар тайёрлаш, соҳага етук кадрлар етказиб беришда беминнат хизмат кўрсатмоқда.

«Ёш онкологлар» жамияти аъзолари бўлган олимлар томонидан онкология соҳасида илмий изланишлар олиб боришда ва амалиётга татбиқ этишда ҳам муваффақиятлар қўлга келди. Жумладан, кўрак бези, меъда, йўғон ичак, қовуқ саратонини жарроҳлик йўли билан даволашнинг янги, замонавий тиббиёт талабларига жавоб берадиган, яъни аъзоларни сақлашга қаратилган усуллар яратилди. Бу усуллари амалиётда қўллаш натижасида давосиз ҳисобланган онкологик касалликларга чалинган беморлар ҳаётига қайтмоқда.

Замонавий тиббиётнинг асосий тамойилларидан бири

касалликнинг олдини олишдир. Шунинг учун онкологик касалликларни эрта аниқлаш, ўз вақтида самарали даво чораларини қўллаш борасида доимий изланишлар олиб боришда муҳим ўрин тутилади. Чунки мазкур турдаги касалликлар аксарият белгисиз кечади.

Жаҳон соғлиқни сақлаш ташкилотининг маълумотларига қараганда, бутун дунёда онкологик касалликлар билан касалланиш кўрсаткичи ортиб бормоқда. Айниқса, бу кўрсаткич саноат ривожланиши ва экологик ҳаётдан носоғлом ўлжаларда кўпроқ кузатилади. Онкологик касалликлар инсон учун ҳаётлиги жиҳатидан юрак-қон томир касалликларидан кейин иккинчи ўринда туриши ҳам бу муаммоларнинг қанчалик долзарблигини кўрсатиб турибди.

Онкологик касалликлар оғир босқичларида аниқланса, аксарият ҳолларда беморларни даволаш имконияти бўлмайди. Касаллик эрта босқичларда аниқланса, малакали онкологик муассасаларда тўлақонли шифо



олган беморлар бу касалликдан бутунлай фориғ бўлиши мумкин. Бу борада марказда сўнгги уч йил ичида аксарият ёш олимларнинг илмий изланишлари асосланган инновацион юзлар клиника амалиётга татбиқ этишга таклиф қилинмоқда.

Айни пайтда мамлакатимизнинг барча ҳудудларида, энг аввало, касалликнинг олдини олиш ва эрта босқичларда аниқлашга қатъий эътибор қаратилмоқда. Жумладан, сут беги ва бачадон бўйин саратони бўйича профилактик кўриш ва скрининг текширишлар ўтказилиши натижасида сўнгги йилларда касалликнинг I ва II босқичларида аниқланиш фойдаси қарийб икки марта ортишига эришилди.

Маълумки, қизилўған саратонига чалинган беморни овқат ўтмай қилиши безовта қилади.

Шунинг учун асосий даво чораси бу ҳолатни бартараф қилишга қаратилиши керак. Бу борада ёш олимларимиз томонидан даволашнинг янги усули яратилди. Яъни, қизилўған заррасимон космик стэнд қўйилиб, овқат ўтмай қилиш ҳолати бартараф бўлишига эришилди. Бу усул ҳам арзон, ҳам самарали ҳисобланади.

Сийдик қопи саратонини даволашнинг янги комплекс усули яратилди. Бунда маҳаллий шариқат ишлаб чиқарилган пробиотик қўллаш билан даволаш амалга оширилмоқда. Бу олдинги даволаш усуллари қараганда анча самарали, ҳафсиз ва арзондир.

Ядро физикаси институти билан қўшма лойиҳа асосида саратон касаллигини даволаш бўйича янги усул яратилган бўлиб, у бош мия ўсмаларини даволашга

қаратилган. Мазкур даволаш усули ҳам ҳозирги кунда яхши самара бермоқда.

Республика миқёсида онкологик беморлар бўйича маълумотларнинг ягона электрон ахборот базаси — «канцер регистр» яратилди ва амалиётга жорий қилинди. Ушбу базанинг яратилиши натижасида мамлакатимизнинг барча ҳудудларида аниқланаётган онкологик касалликлар билан оғирган беморлар ягона тизимда ҳисобга олинади ва уларни текшириш, даволаш ва кузатув ишлари доимий назоратда бўлади.

Ёш олимларимиз томонидан яратилган яна бир янгилик — бачадон бўйин саратонига аъзо сакловчи амалиёт янада такомиллаштирилди. Илгарилари бу касаллик билан оғирган аёлларда бачадон олиб ташланарди. Янги тахрибага кўра, бачадон

сақлаб қолинади, аёлнинг репродуктив саломатлиги таъминланади.

Муҳим янгиликлардан яна бири шуки, меъда олиб ташлангандан сўнг ушбу аъзо фаолиятини тиклаш учун ингичка ичакдан фойдаланган ҳолда пластик тиклаш жарроҳлиги, яъни бемор ичагини ошқозон ҳосил қилиш операцияси қўлланилмоқда. Бундай усул ўзининг ижобий самарасини берапти. Шундай амалиётлар қўлланилган беморлар яна тўлақонли ҳаёт кечирмоқда.

Умуман олганда, тиббиёт доимий изланиш талаб қиладиган, мунтазам ривожланиб борадиган соҳа ҳисобланади. Айниқса, атроф-муҳит, экологик таъсирлар натижасида юзага келадиган касалликларни ўз вақтида самарали даволашнинг янги усуллари яратиш муҳим аҳамиятга эга. Республика онкология илмий маркази қошидаги «Ёш онкологлар» жамияти томонидан яратилаётган онкологик касалликлар диагностикаси ва даволашнинг инновацион технологиялари халқимиз саломатлигини мустаҳкамлаш, жамиятда соғлом турмуш тарзини қарор топтиришга қаратилгани билан аҳамиятлидир.

Саримбек НАВРЎЗОВ,
Республика онкология илмий маркази директори, профессор.
Аброр ЮСУПБЕКОВ,
марказ директорининг илмий ишлар бўйича ўринбосари,
тиббиёт фанлари доктори.
Шароф БОБОҚУЛОВ,
қатъий илмий ходим-изловчи,
марказ қошидаги «Ёш онкологлар» жамияти раиси.

ОБОДОНЧИЛИК

Андижон шаҳридаги Бобур майдони қайта реконструкция ва таъмирлашдан сўнг тантанали равишда очилди. Тадбирда вилоят ҳокими Шухратбек Абдурахмонов иштирок этиб, ободончилик ишлари ва унинг аҳамияти ҳақида тўхталиб ўтди.

БОБУР МАЙДОНИ ЯНАДА КЎРКАМ БЎЛДИ

Лойиҳа қиймати 1 миллиард 671 миллион сўмни ташкил этган бу майдонда қисқа муддатда қатъий ҳажмдаги қурилиш ва ободонлаштириш ишлари олиб борилди. Бош пудратчи — «Зуҳро таъмир қурилиш» МЧЖ майдонни кенгайтириш, унинг қопламасини янгилаш, Бобур ҳайкалини реставрация қилишни ўз зиммасига олди. Андижон шаҳар ободонлаштириш бошқармаси хизматчилари майдондаги яшил тўшма-чимларни тўла алмаштирди. Нобб игнабаргли дарахтлар, шу жумладан, қрим қарағайи, қорақарағай, манзарали гул ва буталар экилди. Эндиликда майдон тунда ҳам чароғон бўлиб туради.



Ушбу оғирган беморлар

Тошкент шаҳридаги «Ақватек» МЧЖ усталари томонидан ўрнатилиб, соналган янги музикали фавворанинг диаметри 20 метрга тенг бўлиб, 10 метр баландиқлида сув чиқариб бера олади. Музика садолари ва ёритиш чирокларига ҳам оҳанг ранг-баранг тусда товланди. Фаввора оқими дилга роҳат, кўнглига ҳузур бағишлайди.

— Бу янгиликни эшитиб, майдоннинг очилиш маросимига ошқандик, — дейди Хуснида Имомова. — Жазирама кундан сўнг, оқшом пайти қулай ўриндиқларда, ям-яшил майсазорда фавворани томоша қилиб ҳордиқ чиқариш кишига ҳузур бағишлайди.

Аҳмадилло СОЛИЕВ,
«Ўзбекистон овози» муҳбири.

ОБ-ҲАВО 21.22.07 — 2015



Юртимиз бўйлаб (°C)

Қорақалпоғистон Республикаси ва Хоразм вилояти

+15 / +20 +25 / +30

Бухоро ва Навоий вилоятлари

+20 / +25 +33 / +38

Тошкент, Самарқанд, Жиззах, Сирдарё вилоятлари

+20 / +25 +34 / +39

Қашқадарь, Сурхондарь вилоятлари

+22 / +27 +35 / +40

Андижон, Наманган, Фарғона вилоятлари

+20 / +25 +31 / +36

Тошкент шаҳри


+23 / +25 +34 / +36

Ўзбекистон ХДП Қашқадарь вилоят кенгаши партия фаоли, Ўзбекистон ХДП вилоят ташкилоти тафтиш комиссияси раиси, халқ депутатлари Қарши шаҳар Кенгашидаги партия гуруҳи аъзоси Даврон Джўраевга отаси Ажаб бобоини вафоти муносабати билан чуқур таъзия билдиради.

«Ўзбекистон овози» ва «Голос Узбекистана» газеталари таҳририяти жамоаси «Наманган ҳақиқати» газетаси бош муҳаррири, халқ депутатлари Наманган вилоят Кенгашидаги партия гуруҳи аъзоси Махмуджон Партиевага отаси Ажаб бобоини вафоти муносабати билан чуқур таъзия билдиради.

ОАЖ «ELXOLDING» компанияси жамоаси компаниянинг ишлаб чиқариш бўйича директор ўринбосари Иномжон ШОКИРОВНИНГ вафоти муносабати билан марҳумнинг оила аъзолари ва яқинларига чуқур таъзия изҳор қилади.

Navbatchi:
Ravshan SHODIYEV
Sahifalovchi-dasturchilar:
Zafar BAKIROV
Behzod ABDUNAZAROV



ISSN 2030-7633
1 2 3 5 6

РЕКЛАМА ЎРНИДА

Миллий банк: замонавий технологиялар аҳоли хизматида

Ўзбекистон Республикаси Ташқи иқтисодий фаолият миллий банки мижозларга янги технологиялар асосида молиявий хизматлар кўрсатишга алоҳида эътибор бермоқда. Жаҳонда ахборот технологиялари ривожланиши тенденцияларини эътиборга олган ҳолда молия муассасаси мутахассислари банк ахборот тизимларини такомиллаштириш борасида янги лойиҳаларни амалга оширмоқда.

Жумладан, Миллий банкнинг www.nbu.uz (www.nbu.com) сайти орқали интерактив хизматлар олиш имконияти мавжуд. Мазкур хизматлар таркиби ONLINE BANK SMS, E-mail-хабарлаш, шахсий IVR-сервис ва Web-кабинетлардан ташкил топган бўлиб, қулайлиги ва ишончилиги билан мижозлар ишончини оқлаб келмоқда.

Тезкор SMS, E-mail-хабарлаш ахборот хизматлари «Ўзмилийбанк» жисмоний ва юридик мижозларининг уяли телефонлари ва электрон почта манзилларига уларнинг ҳисоб рақамларида амалга оширилган операциялар ҳақида SMS-хабарлар кўринишида юбориш орқали тақдим этилади. Мижоз ўз ҳисоб рақамидидаги маблағлар кирим ва чиқим операциялари, маблағлар қолдиғи ҳақида SMS-хабар олади. Бунинг қулайлиги шундаки, бундай хизмат барча уяли алоқа операторлари абонентларига тақдим этилади. Куну тун ишловчи хабарлаш тизими мижозларнинг ҳисоб рақамидидаги маблағдан рухсатсиз фойдаланиш хатарини камайтириш билан бир қаторда унинг ишлатилишини назорат қилиш имконини ҳам беради. SMS, E-mail-хабарлар орқали мижоз ўз ҳисоб рақами ҳолатидан доимий хабардор бўла олади. Омонатга қўшилган фойзалар, ҳисоб рақамга қилинган кирим-чиқимлар SMS, E-mail хабарларда акс этади. Шунингдек, кредит операциялари бўйича ҳисобланган фойзалар, савдо терминали орқали инкассация қилинган сумма, қўшилган фойзалар ҳақидаги

хабарларни ҳам олиш имконини беради.

Шахсий IVR-сервис (IVR-Interactive Voice Response — Овозли хабарлаш тизими)га уяли ёки шаҳар телефонидан банкнинг (+99871) 150-83-38 сервис рақамига боғланиб, интерактив режимда банк махсулотлари ва хизматлари бўйича ахборот олиш мумкин. Мижоз ахборот хизматларига ўзи улашиши ёки уларни бекор қилиши, шунингдек, банкдаги ҳисоб варағи ҳолатини кузатиши, амалга оширилган охириги операциялар ҳақида маълумот сўраб, SMS-хабар кўринишида жавоб олиши мумкин. Шунингдек, таъкидлаш жоизки, мазкур сервисга кириш PIN-код билан ҳимояланган.

Шахсий WEB-кабинет тизимида ишлаш афзаллиги ва имкониятлари ҳам юқоридагилар каби кенг бўлиб, фойдаланувчилар интернет тармоғи орқали кеч-ю кундуз исталган вақтда ва исталган жойдан туриб бу тизимга кира олади. Чунки тизим қўшимча дастурий таъминот ўрнатилишини талаб қилмайди.

Мухтасар айтганда, Миллий банкнинг замонавий технологияларга асосланган хизматлари мижозларга янада кўпроқ қулайликлар яратмоқда. Натижада улар бевосита банк муассасасига борманган ҳолда масофадан туриб зарур барча банк хизматларидан фойдаланиш имконига эга бўлмоқдалар.

Миллий банк
матбуот хизмати.
Хизматлар лицензияланган

РЕКЛАМА

AVTOSALON «SARDOR AVTO INVEST»

Тўлов тури: НАҚД, ТЕРМИНАЛ, ПУЛ ЎТКАЗИШ, КРЕДИТ, ЛИЗИНГ

Манзил: Тошкент ш., Усмон Носир кўчаси, 113-уй. Мўлжал: Жанубий вокзал.
Тел.: (99871) 215-09-11; 250-23-93; (99891) 162-99-99; (99895) 177-01-17;
(99871) 140-41-21; (99895) 199-82-92; (99891) 191-19-49; (99890) 932-33-38

www.sardor-avto.uz

МАХСУЛОТ СЕРТИФИКАТЛАНГАН.

Qabulxona — 233-65-45

Xatlar va murojaatlar uchun — 233-12-56

E-mail: info@uzbekistonovozi.uz

MANZILIMIZ:
100000, Toshkent,
Matbuotchilar
ko'chasi, 32-uy.

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan.

«Sharq» nashriyot-matbaa aksiyadorlik kompaniyasi bosmaxonasida chop etildi.
Korxona manzili: Buyuk Turon ko'chasi, 41-uy.
Gazeta ofset usulida, A-2 formatida bosildi. Hajmi — 2 bosma taboq.

Gazeta seshanba, payshanba va shanba kunlari chiqadi.

«O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.

Г — 759
11156
nuxxada
bosildi.
Nashr ko'rsatkichi — 220
t — Tijorat materiallari
O'zA yakuni — 21.00
Topshirilgan vaqti — 00.55

Sotuvda kelishilgan narxda

MUASSIS:



O'ZBEKISTON
XALQ DEMOKRATIK
PARTIYASI
MARKAZIY KENGASHI

Bosh muharrir: Safar OSTONOV

TAHRIR HAY'ATI:

Abdulla ORIPOV
Hotamjon KETMONOV
Ulug'bek VAFOYEV
Rustam KAMILOV
Sharbat ABDULLAYEVA

Ulug'bek
MUSTAFOYEV
Muslihidin
MUHIDDINOV
Ochilboy RAMATOV

Saidahmad RAHIMOV
Farrux HAMROYEV
(Bosh muharrir birinchi o'rinbosari)
Tat'yana KISTANOVA
(Bosh muharrir o'rinbosari)